

No. 291. 1452. 29. Nov.

Der Rath gestattet bis auf Widerruf den Schmieden, Steinkohlen zu verarbeiten und gibt den Handel mit Schlössern und Nägeln frei.

Mit volbort der eldistin aller drier rete hath der rat irleubet den smeden steyn kollen zcu erbeiten beß vff ein wedderruffen, wenne sy clageten, sy konden dy andern kollen nicht irlangen. Feria 4^{ta} post Katherinae anno 2c. LII.

Vff den selbigin tag hath der rat irleubet, sloß vnde nayle in den husern zeuerkouffen auch von den, dy nicht smede sint vnde auch dy nicht innunge mit den smeden habin.

Nach dem Rathsbuch fol. 25 im Rathsarchiv zu Leipzig.

No. 292. 1452. 20. Dec.

Verbot der spitzen Schuhe und des Bäckertanzes auf Veranlassung der Predigten des Johannes von Capistrano.

An der mittewochin noch Luciae sint dy rete ein wurdin, das dy schuster hinforder keyne spitze noch sneppe an dy schuhin sollin machin, ane eynen vorstich, den mogen [sy] doran stechin, by busse eins nuwen schock, das yderman gebin sal, also dicke er da wedder thun wurde, vnde dem hantwergke I phunt wachs; vnde dy rete habin das ganzce hantwerck vor sich geheisschen vnde alle meister vnde on by obgeschrebener busse gebotten, das also zcu halden vnde dem also noch zcu kommen. Factum sub Reinhart Steubin anno 2c. ut supra.

Eodem die habin dy rete nicht wolt gestaten iren tanz den beekern zcu habin vnd gemein bir vmbe der predigete willen patris Johannis von Capistran vnde ander prediger.

Nach dem Rathsbuch fol. 25^b im Rathsarchiv zu Leipzig.

No. 293. 1452.

Rathsbeschlüsse in Betreff des Obstverkaufs und der Caveteglocke.

Item eodem anno ist der rat mit willen der eldestin [ein wurden], das man hinforder stete vnde vnuorruckt halden sal, das nymandes abeß, nusse, epele, bern vnde deß glichen keuffen sal, der verkeuffer habe denne dry tage marckt gehalden, also das eine alde gewonheit ist, sub poena unius ß.

Item dy rete sint ein wurden, das keyn burger, der do wyn schencket, noch der glocken Cavete sinen keller offen haben sal vnde dar inne geste vnde czeche halden; wer do wedder tut, sal dem rate 1 ß zcu busse gebin. Das ist dorvmbe geschehen, das dy studente vnde hantwercks gesellin deste fredelicher miteinander sitzen.

Nach dem Rathsbuch fol. 25 im Rathsarchiv zu Leipzig.